

Ad Sanctiss. Leonem Pontif. X.

Pius faciebar.

Ex græco. Lucilli.

u Eloces egi currus infauustus Aganax:

Vitæ inuitalis functus honore fui

Nec spatio tenui multo. sed calce replaudens

Tellurem in campos appropero Elysios.

Non tristandū si quis procul patria obeat.

Incertum. Ex græco.

Inferni introitus rectus qui pergis Athenis

In styga, et a nigra siue uenis meroe.

Nec procul a patria tristeris amice peremptum.

Omnia ad Elysios undiq; uentus agit.

Gulam mortem accelerare, Palladæ.

Non peragit tantum mortem natura. sed ipsam

Ingluuiens rapido cogit adire pede.

Huius regnator Dionysius Heracleæ

In ponto testis, talia passus obit.

Alter alterū uicissim trudit in mortem.

Incertum. Ex Græco.

Intereo. sed te moror. at tu aliena moraris

Fata. omnes pariter styx uiolenta capit.

Epitaphium Inachi terræ maternam
Pietatem laudantis. Incertum.

Ex græco.

Terra mihi genetrix, Mea tellus occulit ossa
Officium haud matris inferioris agens.
Illa pia diuturna parens me uinciet ulna.
Sed propria rapuit me genetrice calor.
Hospes in hoc portu iaceo post flebile fatum
Inachus heu fidi Crinagoræ famulus.

Antiphili græci poetæ in Aridum
Fontem.

Quo fuga fontis aquæ? Quo garrula nympa recedit?
Quo radius iuges solstitialis agit?
Agricolam flentes lachrymis rorantibus omnes
Absumptæ, illius Arida puluis habet.

De oraculis Tauri memphitici.

Incertum, ex græco.

In memphi sermo est Tauro didicisse nitenti
Eudoxum propriam per sacra oracula mortem,
Iunici humanam linguam natura negauit,
Vocalesq; sonos. sed stans diuinitus ore
Linxit adorato chlamydem. sunt certa secuta
Signa necis. subito passum mors atra cucurrit
Huic soles denos, quinos, ternosq; uidenti,

Incertum. ex græco :

Balnea, uina, Venus, choreæ: conuiuia, ludus
Hæc subitum faciunt ad styga mortis iter.

In deos. Luciani.

Nil age Mortalis cui non modus et decor infit,
Nec superos lædens posse latere puta.

De amoribus Iouis. Incertum.

Ex græco.

Taurus, olor, satyrus, pluuium fit Iuppiter aurum,
Leda æstu, Europes, Antiopæ, Danaes,
Antipatri.

Mercurius facilis Pastores, lacte nitenti
Gaudet, et est quernis mitior ille fauis.

Herculeis aries sanis cum lactibus agni
Procidat: haud soli uictima sola placet.

Sed cohibere lupos ualer. An custodia si me
Pauperat, heus hostes quos magis esse rear?

Mercurius de sodalinitio Herculis
queritur. Leonidæ.

Si cultos hinc ire libet spatior in agros,
Seu celerem excelsa sistis in arce pedem
Hos duo cœlicos, quis te bene termine credis
Arcada me cernis, Herculis hanc statuam.

Numine propicii semper mortalibus ambo.

Hic mihi libatas Achradas eripuit.

Non mihi lance pari fertur redimita facem.

Vua graues pariter omphacas iste uorat.

Aequa sodalicii non est mihi grata potestas,

Qui dicat, ambobus munera priua dicet.

Herculis hoc dicat, donum est, ast Arcadis illud,

Et litem soluat qui litat ancipitem.

REVERENDISS. CAR. AEGIDIO.

Diua beatifico cum te colat agmine uirtus;

Inuideas nulli, fulua metalla Midæ.

In Olympum deformem.

Cum patulo referas rictu Crocodilon Olympe

Garrula sic fontis cur tibi lympa placet?

Effuge Narcisi fatis contraria fata,

Ne propriam texosus, hic pereas, faciem.

FINIS.

Bononæ in ædibus Hieronymi de Benedictis bonon.

Anno Domini M.D.XXII.

Errata.

Car. vii. linea xxiii. diadema a cono. lege. diademata.

Eadem car. lin. xxiiii. umbro uomat. lege. umbo.

Eadem carta a tergo li. xviii. astra ferret. lege. feret.

ITER SANCTISSIMI DOMININO,
STRI IVLII PAPAE.II. PER
HADRIANVM CARDI-
NALEM SANCTI
CHRYSO-
GONI.



VGVESTI memorāda dies vigesima sexta
Pontificem magna Roma dimisit lulum
Pene omni Patrū: et procerū comitāte senatu.
Formello pius excepit Iordanus: et vxor
Moribus, ingenio/formaq; et nomine Fælix.
Postera lux Nepete antiquū tū ppxima Veios
Ostendit mox per Cimini montēq; lacumq;

Tendimus insignem per balnea multa Viterbum:
Discordes bonus hic ciues pacauit lulus.
Præbuit hinc celebrer mons dulcia vina Faliscus
Detinuitq; diem. Veterem post vidimus Urbem
Excelsæ rupi impositam sine mœnibus vllis:
Hic templum Genitrici ingens/cui sculpta vetusto.
Marmore stat facias/spirantq; in marmore vultus.
Carnaiola procul pons hinc sex millia distans
Cyaneas transmittit aquas/sparsasq; paludes
Per sata/per siluas/ah quantum absumitur agri.
Plebis ad indomitæ castrum peruenimus, inde
Impositæ apparent Perusinis collibus arces:
Castellona Lacus Trasimenus mœnia cingit:
Hunc raibus læti tranauimus/Insula latos
Accipit hospitio/Pasianum allabimur/vnde
Prospicimus campos Romanis osibus albos:
Seruat albuc nomen locus: et de sanguine fuso
Sanguineos Campos Perusini nomine dicunt:
Hic ubi commisso fallax certamine Pœnus

Flaminiumq; ducem/Mauortiaq; arma subegit:
Per colles:ripamq; lacus Corclana subimus
Mœnia:oliuiferis tumulis latissima rura:
Vicina placuit Patribus recubare sub Vlmo:
Hic simul occurrunt equitum/peditumq; cateruæ
Vrbinate Duce/illo nec melior fuit alter/
Nec pietate prior/sed nec præstantior armis:
Tot dotes iuueni inuidit lapidosa podagra:
His circunsepti legionibus/ordine longo
Ingredimur Perusinam urbem/ciuius actam
Euersamq; odijs/hanc tu pater optime Iuli
In placida tandem compositam pace relinquis:
Non procul oppidulum est/Fractam cognomine dicunt
Amnis obit muros cæno/et graue olentibus undis:
Huc ubi delati/montes Eugubia tecta:
Hærentemq; iugis urbem superauimus/inde
Perpetuos colles Catiani villula findit:
Villula munifico non aspernanda popello:
Hos præteruectis tumulos plebecula callem
Quæ colit angustum Cagli cognomine dicunt
Occurrit facie obducta/nam tabida fertur
Infecisse lues/celeri pede fugimus omnes:
Hinc ad Aquas Lanas perreximus:vnde Methaurus
Confusus Gauno Foruli spectacula præbet:
Est opere pretium versu describere mirum
Naturæ ludentis opus/stant vertice ad auras
Hinc atq; hinc montes prærupti/flumine subter
Secretis labente vijs/vt fumus ab imis
Surgat aquis/lateq; fluant aspergine cautes:
Rupis ad extremum leua venientis ab vrbe
Porrigitur molis dorsum/qua semita nulla
Nulli aditus quondam/nec erat uia peruia cuiq;
Cæsar inaccessam patefecit Titus:et illam
Quantum acie possunt oculi seruare cauauit
Inscripsitq; fores:et adhuc vestigia vtrunq;

Limen habet/scabro/et fragili vix cognita topoz:
Sunt soliti hac camera multi latitare latrones:
Exceptosq; viatores demergere in amnem:
Repsumus e crypta; atq; angusta fauce viritim
In campos Vbalde tuos/hinc imus in urbem:
Vrbium dixere patres tua regia tecta
Ardua quæ saxo colitur Macerata vetusto
Hinc petitur/vicoq; breui succedimus/inde
Scandimus excelsas nymbose cacumina pennas
Diue Marinae tuas/tumidi hic subsidere montes
Incipiunt/superoq; mari consternere littus
Plantitiem ingentem terris/opibusq; superbam
Gallia qua fluuio Rubicone comata patescit:
Italiae hic finis quondam/nunc omnia miscet
Effera Barbaries/antiquaq; nomina vertit:
Sauignana vocant pinguisima rura coloni
Huc madidi multoq; luto/fessi q; venimus.
Progressi meliore uia/cælo grauiore
Caesenam intramus/culices auertere somnaos
Omnibus:et varijs vultus maculare figuris
Pompili/Liuiq; forum diuertere cogunt:
Terra ferax populusq; ferox/ac cæde frequenti
Terribilis/semperq; furens ciuilibus armis.
Vt terquinq; dies abierunt Liuia tecta
Linquimus/atq; iterum montes iubet ire per altos
Iulius:et Castri ad leuam iuga visere Caris
Imus præcipites per mille pericula rerum
Turrigerasq; arces/rupe/et inhospita saxa:
Appenninicolæ accurrunt/visoq; senatu
Reptantes genibus per humum noua numina adorant.
Mudiana iacet vasto depressa barathro
Actola torrenti/truncis/salebrisq; fragoso:
Hanc terram pedibus celso de monte ruentes
Prændimus/et placido curamus corpora somno.
Postera lux alios scopulos/cæloq; propinquas

Nubigenasq; alpes aperit/Marradia vulgus
Saxa vocat/sumum excipiunt magalia Iulum:
Inde Palatium statio opportuna labori
Hospitio lassos refouet/tum fluminis arcta
Prouehimur ripa tenui discrimine euntes:
Est locus extremis in montibus asper hetruscis
Hunc dictum perhibent a tusi Tusinianum:
Huc quoq; delati montes deaouimus omnes.
Orta dies latos campos/et amœna vireta
Corneliq; forum/fœliciaq; arua reducit:
Hic meus ortus habet sedes Papiensis auitas
Nobilis/et clarum genus alto a sanguine ducit.
Constitit hic pastor/dum prospicit omnia Iulus:
Et belli/pacisq; simul dum pondera librat
Consilioq; patrum rerum moderatur habenas:
Appulit interea Gallorum exercitus ingens
Conseruitq; manum:et muros circumstetit armis
Felsina docta tuos:volat impiger ætus ab vrbe
Nuncius:et Serram exactam:pulsamq; Tyrannum
Excussamq; iugum patriæ ceruicibus affert:
Pontificem implorat seßis succurrere rebus:
Hoc oratores certatim ex urbe frequentes
Exposcunt/patriæq; patrem properare precantur:
Thura adolet Iulus templis/sacrisq; peractis
Tendit iter/gressum celerans/urbique propinquat:
Vrbs antiqua ingens hetruscis regia quondam
Felsina:tum Boi fato irrupentibus impar
Accepisse nouum fertur Boionia nomen:
Verum ubi sunt Boi Romano milite pulsi
Barbariem excussit/cæpitq; Bononia dici:
Subditur ad Boream radicibus Appennini:
Planitie accliui/procumbens solis ad ortus:
Inter aquas Sapinæ/et Rheni/quarum utraq; in urbem
Ducta uehit/reuehitq; rates/pistrinaq; uersat:
Æmiliæ decus/et belli:pacisq; patrona:

Diues opum uariarum/et nullius in liga cultus:
 Musarum domus/atq; omnis nutricula iuris:
 Iamq; dies aderat/mediumq; uehebat ad axem
 Omnia conspiciens phœbeæ lampadis astrum:
 Obsedere patres Maioris limina portæ
 Qua modo Felsinea pastor requieuerat ædes:
 Porticibusq; amplis expectant nomen Iuli:
 Tandem de thalano sella sublimis eburna:
 Gestatusq; hominum scapulis/longo agmine prodit:
 Cui trabea ex auro/gemmis/osiroq; coruscat:
 Tempora conchili fulgent redimita tiaræ:
 Progreditur Procerum legio tua Felsina Proles:
 Aeratæq; ruunt acies/clypeataq; circum
 Agmina funduntur/placidos dat Curia gressus
 Aequati spatij omnes/et uestibus omnes:
 Purpureisq; Patres tecti Capita alta Galeris:
 Obuia queq; oculis perstringunt numinis instar:
 Visendi studio effusi iuuenesq;/senesq;
 Et matres pueriq; simul tecta omnia complent:
 Culminibusq; astant/portisq; et turribus hærent.
 Vt vero ad Diui venit penetralia Petri
 Iulius/asperfitq; patres in limine primo
 Rore leui geminis manibus veneratus ad aras
 Effigies sacras/Grates quas possumus inquit
 Accipe Christe Deus/nam quæ sat digna queamus
 Munera? quas laudes humana voce referre?
 Tu nos incolumes per tot discrimina vectos
 Vrbe hac Felsinea sine cæde/et sanguine donas:
 Da Pater omnipotens/Rerumq; æterna potestas
 Sic superos penetrare aditus/verosq; Triumphos
 Terreno inuolucro exutos/vitijsq; subactis:
 Hæc ubi supplicibus uotis orauit Iulus
 Quisq; domum properat/factoque hic sine quiescit.

FINIS.

W



21913















